

Indhold

Egalugaarsuit	2
Ataatsimut aalajangersakkat	5
202-A1	8
202-B1	9
202-E1	10

Eqalugaarsuit

Eqalugaarsuit Qaqortumiit kujammut 14 km missaanni ungasissuseqarput - qulimiguulimmik 10 minutsit umiatsiamillu 45 min. missaat ornittariaallutik. Taamaammat nunaqarfik Qaqortumut samminerusimavoq Qaqortullu kommunianiissimalluni. Nunaqarfiup pinngornera sineriaata avataani aalisarnermut piniarnermullu periarfissagissaarneranik peqquteqarpoq, piniagassallu makku pineqarlutik: [saarullit](#), [kapisillit](#), [puisit](#) aamma [arferit](#).

Inuit illoqarnerlu

Ukiut aqqaneq marluk kingullit nunaqarfiup inui 2004-mi 132-niit 2016-imi 76-inut ikileriatarsimapput, tassa affaannangungajallutik. Naatsorsuutigineqarpoq inui ukiut tulliuuttut 12-it ingerlaneranni ikilerialaarumaartut. 2016-imi nunaqarfimmi illut 50-it missaanniippot, kisianni inoqtiguit taamaallaat 36-ullutik, taamaallilluni illut 14-it inoqanngillat, taakkunanga amerlanerpaat najugaqarfigineqarsinnaanatik. Illut aserfallassimasut nalitsinnulluunniit naleqqukkunnaarsimasut taartissaannik ataasiakkaanik sanasoqartariaqassaaq. Illut nutaat illut sananeqareersimasut akornanniissinnaassapput.

Nunaqarfimmi utoqqarnut sisamanut inissalimmik najugaqatigiiffeqarpoq, kisianni ukiuni arlalinni atorneqanngikkallartut arlaliusimapput. Nunaqarfiup utoqqartai sapinngisamik sivisuumik namminneq angerlarsimaffiminniinnissartik kissaatigaat. Taamaammat illut pioreersut utoqqarnut naleqquttunngorlugit suliarineqarnissaat nutaanilluunniit sananissaq pisariaqalersinnaavoq.

Umiarsualivik inuussutissarsiornerlu

Eqalugaarsunni puttasumik talittarfeqarpoq, talittarfeqarluni, aalisartunut talittarfeqarluni, tunisassiorfeqarluni kiisalu tunitsiveqarluni. Pilersuisoq pisiniarfeqarpoq atorunnaarsimasumillu namminersortumik pisiniarfeqarluni.

Nunaqarfimmi 1980 aamma 1990-ikkunni sulliffissat annersaat tassaasimavoq aalisakkerivik 2006-imi uningaannalersimagaluartoq, nutaanilli aningaasaliisoqaqinneratigut piginnittoqalerat ammaqqinnissaa anguniarneqarpoq.

2005-mi ukiunilu tulliuuttuni sulluitsunik panertillugit nerisassiassanngorlugit kiisalu savat nerisassaannut akussatut misileraatigineqarput. Sulluitsut Eqalugaarsuit avannaanni Tasilummi katersorneqartarput Eqalugaarsunnilu tunisassiorfiup panersiiviani panerserneqartarlutik. Taamanili sulluitsunik tunisassiornermik misileraasoq tunuaannarpoq, kisianni taamatut tunisassiornissaq sulii periarfissaavoq.

Tunisassiorfik 2010-imi Kap Farvel Seafoodimit tiguneqarluni nipisaat suaannik tunitsivittut aammalu saarullinnik uukkanillu panertitsivittut ingerlaqqilerpoq. Maannakkut Asimit ApS-p aalisakkanik panertiterineq piukkoortugaa. Erngullu pitsaassusia inuussutissanik tunisassiornermut akuersissummik pissarsiniarissamat ajornartorsiutaajuarsinnarpoq. Nunaqarfiup avannaatungaani imermik pitsaanerumik annertunerumillu pissarsinissaq ilippanarluarpoq.

Aalisakkat allanngornerinut nunaqarfiup piareersimanerulernissaa anguniarlugu takornarianut unnuisarfiit neqeroortigineqarput. Ullumikkut nunaqarfiup allaffia aammalu illut nammineq pigisat ataasiakkaat unnuisarfiittut atorneqartarput. Nunaqarfik alianaatsuuvoq, aammalu kuuk avannamut atuarlugu takornarianut pisuttuarfissaqqilluni kiisalu kimmut teriannaaqartartumut pisuttuarfissaqqilluni.

Aammattaq puisit amii Qaqortumi ammerivimmut Great Greenlandimut tuniarneqartarput. Puisit orsuunik tunitsiveqalernissaq aammalu Qaqortumi Great Greenlandimut ingerlateqqitassanik tunitsiveqalernissaq kissaatigineqarpoq. Eqalugaarsummiut qangali nunaqarfimmi aalisakkanik neqinillu tunitsivissaminnik kalaalimeerniarfimmik kissaateqalersimapput.

Sunnigffik pisortallu sullissiveqarfi

Nunaqarfimmi atuarfeqarpoq, oqaluffeqarluni, iliveqarfeqarluni, illu sulliveqarluni aammalu arsaattarfeqarluni.

Nunaqarfiup siunissami meeqqanut inuussuttunullu kajungernerulernissaa Eqalugaarsunni nunaqarfiup aqutsisuunit kissaatigineqarpoq. Tassa inuusuttut aallartannginnissaat pillugu aammalu nunaqarfiup ilaqutariinnut meerartalinnut kajungernartuunissaa pillugu. 2009-10-mi atuarfik nutarterneqarpoq, kisianni ukialuit kingorna oqunna paasineqarpoq, 2014-imi



matuneqarpoq illumullu najugaqarfigneqanngitsumut naleqqussarneqarluni. Piffissap tamaatuma nalaani 2016-imi atuartut sisamaannanngorput. Tamatuma saniatigut nunaqarfimmi meeqqat atualersimannngitsut arfineq-pingasupput. Aammattaaq timersortarfeerartaarnissaq nunaqarfimmiunit assorsuaq kissaatigineqarpoq. Timersortarfeeraq illup iluani timersornissamut meeqqanut, inuusuttunut inersimasunullu periarfissiisinnaavoq kiisalu nunaqarfimmi illu sullivimmi sammineqarsinnaanngitsunik allanik tamanik sammisaqarfiusinnaalluni. Timersortarfeeqqamut taarsiullugu niuertarfik namminersortoq atorunnaarsimasoq sunngiffimmi sammisanut inimik annerusumik pisariaqartitsiviunngitsunut atorneqarsinnaasutut tikkuarneqarpoq.

2016-imi INI A/S-ip illuutai ataasiakkaat inoqanngillat. Illut inoqannginneranni siunertanut allanut atorneqarsinnaanissaat ineqartunit kissaatigineqarpoq. Assersuutigalugu illut taakku nunaqarfimmiut nipilersortartut sungiusartarfigisinnaavaat.

Avatangiisit

Nunaqarfimmi ikullaaviliortoqarnikuuvooq, sapaatillu akunneranut ataasiarlutik marloriarlutilluunniit ikullaasarpot. Aamakut eqqagassaaluillu eqqaavimmut inissinneqartarput. Akisussaasut ikullaaviup atornissaanut aserfallatsaalineqarnissaanullu pikkorissartinneqarnikuupput, kiisalu eqqagassat avatangiisinut uloriaanaatillit immikkoortiterarlugit Qaqortuliaanissaat akisussaaffigisarlugu, taakkulu inikillisarneqareerlutik Danmarkimi suliareqqitassanngorlugit nassiunneqartarput. Taamatuttaaq saviminikut nassissusasannngorlugit immikkoortiterneqartarput.

Angallannikkut pissutsit

Eqalugaarsunni aqquserngit asfaltitoqqamik qallerneqarsimannikkunik sioqqanik ujaraqaanilluunniit qallerneqarsimasarpot. Nunaqarfimmi biileqanngilaq traktoreqarlunili, 4-hjuleqarluni kraneqarlunilu. Nunaqarfimmi misiligutitut pisinnaarnut aqqutissiani immikkut toqqakkani flisilersuisoqarnikuuvooq. Siunnersuut iluarineqarsimavoq aningaasaqarnerlu najoqqutaralugu ukiumi tulluuttuni flisilersuineq nangingneqassaaq. Aammattaaq kuuk ikaartarfilerneqarnikuuvooq. Eqalugaarsunni tulattarfiup eqqaani qulimiguulinnut mittarfeeqarpoq - appassisumiinnera peqqutigalugu qarsutsinermik eqqorneqarujuppoq sillimmatitullu arsaattarfiup eqqaa mittarfiusarpoq. Nunaqarfimmi puttasumik talittarfeeqarpoq, talittarfeeqarluni aalisartunullu talittarfeeqarluni.

Eqalugaarsuit qeqertaasartaata nunavittaanut atassuserlugu ikaartarfilerneqarnissaa kissaatigineqarpoq. Ajoraluartumilli maannakkut aningaasatigut inissisimaneq peqqutigalugu pivusorsortuunngilaq.

Attaveqatigiinneq

Nunaqarfimmi oqarasuaammut internettimullu attaviliisoqarsinnaavoq.

Innaallagialu, imeq, kiassarnerlu

[Klik her for at se Servicehuse og tekniske anlæg på kort](#)

Nunaqarfik 2003-mi nutartikkamik innaallagissiorfeeqarpoq, nutarteqqinnissaatalu tungaanut sulii ukiumi 15-imi atasinnaalluni. Motoorit diesellitortut pisoqqat taarserneqalerput peqqutigalugu tamakkiisumik ingerlasinnaaneri qaangiukkiartulermata. Nunaqarfimmi innaallagissatigut attavii 2006-imi nutarterneqarput. Ingerlatsineq Nukissiorfinit akisussaaffigineqarpoq.

Imerk pilersuineq nunaqarfiup avannaq-kippasissortaani nunaqarfiup killeqarfiata avataani imissaasivimmit pisarpoq. 2016-imi Nukissiorfiit imermik milluaavik tasinnguamut nuunnikuuaat, taannalu sanaartorfigeqqusaanngitsumi 300 meterinik ilorpasinnerusumiippoq, taamaaliornikkut imermik pilersuineq pitsannguuteqarniassamat. Tamatuma saniatigut Nukissiorfiit utoqqaat illuata eqqaani imeqarfimmik mikisumik sananissaq pilersaarutigaat, imermik pitsaanerumik pilersuisinnaaniassagamik.

Erngup aqquata nutarteqqammerput, ataatsimullu isigalugu nunaqarfik tamaat pilersorneqarluni. Siunissami illut nutaat imermut aqqusersorneqarnissaat kissaatigineqarpoq. Aamma utoqqaat najugaqatigiiffii pioreersut illuata atuarlugit imermut ruujoreqarfiusut imermut aqqusersorneqarnissaat kissaatigineqarpoq. Tulattarfiup eqqaani tankeqarfeeqarpoq. Nunaqarfimmi illut kissarsuutinit uuliatortunit/oliefyritit kiassarneqartarput.

Nunaqarfimmi nalinginnaasut

Qulimiguulinnut mittarfiup eqqaani aamma tankeqarfiup eqqaani sillimanissamat killeqarfiit ataqpineqassapput. Taamatuttaaq imermik milluaaviup eqqaani sillimanissamat killeqarfik ataqpineqassaaq. Nunaminertanik atugassisarnermut atatillugu silatusaartumik tungaviliisoqartassaaq.

Eqalugaarsuit ineriartortinneqarnissaannut iliuusissanik qinersineq

Nunaqarfiup Qaqortumut qaninnera assartuinermilu pissutsit pitsaangaatsiarneri peqqutigalugit ineriartornissaa periarfissagissaarpoq.

Tulattarfimmi tunisassiorfik nunaqarfimmi tunisassiorlernissamik suli periarfissaqarpoq. Siornatigut tunisassiorneq aalisarnermik tunngaveqarsimagaluartoq siunissami naatsorsuutigineqassaaq immikkuullarissunik tunisassiorneq pisariaqassasoq, assersuutigalugu qeqqussanik, nipisaat suaannik assigisaannilluunniit.

Takornariaqarneq aamma ineriartortinneqarsinnaavoq. Qaqortoq qanittuummat ulluinnarlugu angalaatsiarneq angumerineqarsinnaavoq, nunaqarfimmilu illuaqqat attartorneqarsinnaasut unnuiffiqarsinnaasut pioreerlutik. Nunaqarfimmi takornariaqarneq aningaasarsuutigalugu atorluarneqassappat inerisaanissaq pisariaqarpoq, tassaalluni takornarianut amerlanerusunik neqeroorteqarsinnaaneq.

Nunaqarfiup suliffeqarfiutai ingerlalluartut, atuarfik, sullissivik, utoqqaat najugaqatigiiffii nakorsiartarfillu nunaqarfiup aalaakkaasumik innuttaqarnissaanut aammaaq tunngaviliipput

Ataatsimut aalajangersakkat

Kommunimut pilersaarusiap immikkoortuani matumani "ataatsimut aalajangersakkat" qassiit suliarineqarsimapput, taakkulu Kommune Kujallermut tamarmut atuuttuupput taamaammallu "immikkoortortanut ataasiakkaanut aalajangersakkani" saqqummiuteqqinneqaratik. Ataatsimut aalajangersakkat kommunalbestyrelsip pilersaaruserneranut nunaminertanillu atuinermik aqutsinermut pituttuisuupput.

1. Aqquserngit

- A. Illoqarfinni asimilu aqquserngit pioreersut sananeqarumaartussallu eqqaanni aqquserngup qeqqaniit 7,5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- B. Illoqarfinni aqquserngit minnerusut nunaqarfinnilu aqquserngit eqqaanni aqquserngup qeqqaniit 5 meterit iluanni aqqusinilerinermut (iluarsaassinermut, aputaajaanermut il.il.) akornutaasinnaasunik sanaartortoqaranilu atortulersuisoqassanngilaq.
- C. Kommunimut pilersaarummi aalajangersakkani sukumiinerusuni a. aamma b.-mi taaneqartuniit ungasinnerusumi sanaartornermut killiliussanik tamatigut aalajangersaasoqarsinnaavoq.

2. Biilit unittarfii

Nutaanik inissialiornermi, sullissiviliornermi (soorlu pisortat sullissiveqarfinni allanillu) aammalu inuussutissarsiorfiliornermi naammattunik biilinut unittarfiliortoqartassaaq. Kommunimut pilersaarummi sukumiisumik aalajangersakkatigut allanik aalajangersaasoqarsimatinnagu (illoqarfiup ilaanut pilersaarutini allanilu) makku minnerpaamik piumasaqaataasarpud.

- A. Ilaqutariinnut illuliani arlalinni inissianut marlunnut unittarfik ataaseq, aammalu
- B. Sullissiveqarfinni inuussutissarsiorfinnilu quleriilinnut 50 m²-mut unittarfik ataaseq
- C. Allanut immikkut ittumik atorineqartussanut pisariaqartitsineq naliliivigineqartassaaq

Biilit unittarfii nunaminertamik atugassanngortitsinermi allassimasassappud.

3. Nunaminertat atorineqanngitsut

Sumiiffiit ilaannut aalajangersakkani nunaminertatut atorineqanngitsutut aalajangerneqareersimasut saniatigut nunaminertat siunertanut allanut atugassanngortinneqarsimanngitsut nunaminertatut atorineqanngitsutut aqunneqassappud. Nunaminertat atorineqanngitsut atortulersuiffigineqassanngillat, toqqorsiviunatik torersuutinneqassallutillu.


4. Pinnguartarfiit

Arfinilinnit amerlanerusunik inissialtalinnik inissialortoqartillugu meeqqanut pinnguartarfiilortoqartassaaq.


5. Innarluutilinnit tikinneqarsinnaaneri

Aqquserngit, pisuinnaat aqputaat, illutat atortoqarfiillu allat kikkunnilluunniit orninneqarsinnaasut sananeqartillugit innarluutilinnit tikinneqarsinnaanissaat anguniarneqartassaaq.


6. Illut eqqissisitat

Illut atortoqarfiillu eqqissisitat (suussusii 1) Nunatta Katersugaasivia Toqqorsivialu akuersisimatinnagu piiarneqassanngillat, allanngortiterneqassanatik allatulluunniit allanngortinneqassanatik. Illut eqqissisitat allassimapput [uani](#).  [Fredede og bevaringsvaerdige huse.pdf](#) (93.4 KB)

7. Illut eqqissittarisassat

Illut atortoqarfiillu eqqissittarisassat (suussusii 2) kommunalbestyrelsi akuersisimatinnagu piiarneqassanngillat, allanngortiterneqassanatik silatimikkulluunniit allanngortinneqassanatik. Nunatta Katersugaasivia Toqqorsivialu oqaaseqaateqartinneqartassapput. Ullut taakku eqqissisinneqarsinnaanerit siunertaralugu kommunalbestyrelsi naliliisassaaq. Illut eqqissittarisassat allassimapput [uani](#).  [Fredede og bevaringsvaerdige huse.pdf](#) (93.4 KB)

8. Illut eriagissassat

Illut atortoqarfiillu eriagissassat (suussusii 3) sapinngisamik allanngutsaaliorneqassapput allannguutissatullu qinnuteqaatigineqartunut kommunalbestyrelsi piumasaqaateqarsinnaavoq illup eriagisariaqassutsi pigiinnarniassammagu. Illut eriagissassat allassimapput [uani](#).  [Fredede og bevaringsvaerdige huse.pdf](#) (93.4 KB)

9. Illut peerneqariaannaat

Illu ima ajortissimatigiguni allanut navianartorsiortitsisinnaalluni, imalunniit qimanneqarsimaguni aammalu nunaminertamik atugassanngortitsinermit siunertaasutut atorneqarunnaarsimaguni inatsisinut naapertuuttunngortinneqassaaq (iluarsarneqarluni/atorneqalerluni imaluunniit ingutserneqarluni).

10. Illoqarfinni nunaqarfinnilu pilersuiviit

Tamatumunnga periarfissaqarnera oqaatigineqarsimappat ajornanngippallu nutaamik sanaartorfiit innaallagissamut, imermut kuuffinnullu kikkunnit tamanit atugassianut aqquuserneqarnissaat qularnaarneqassaaq.

Kuuffinnut kikkunnut tamanut atugassianut attavilernissaq ajornarpat imermik errortuutikumik anartarfinneersunillu eqiterivissamik tankiliortoqarnissaa imaluunniit avatangiisit pillugit aalajangersakkat qaqugukkulluunniit atuuttut aammalu errortuutikup anartarfiillu imarneqartarneri pillugit malittarisassat naapertorlugit erngup igitassap suliarineqarnissaannik Kommunalbestyrelsi piumasaqaateqarsinnaavoq.

Imeq nunap qaatigoortoq, aamma qalianeersoq, eqqakkanut kuuffinnut tamanit atugassianut ingerlatinneqartassanngilaq, kisiannili eqqaamiorisat illuinut, aqqusinernut, pisuinnaat aqquataannut aammalu illuliorfiusimanningsunut akornutaasussaajunnaarlugu ingerlaartinneqartassalluni.

Erngup, innaallagissap kuuffiillu aqquataat, tv-kabelit assigisaallu ajornartinnagu nunap iluatigoortinneqartassapput.

Pissutsit immikkut ittut pissutigalugit pisariaqalinngippat pilersuinermit aqquutit qarsullugit sanaartortoqassanngilaq qajanaaqquersuisoqassaniluunniit.

11. Asimi pilersuinermit atortorissaarutit

Eqqagassat imerpalasuunngitsut asimi sanaartornermeersut piginnittumit ikuallanneqanngikkunik aallarunneqassapput. Ikuallanneqarnerat illulianut pinngortitamulluunniit eqqaaniittumut navianartorsiortitsissanngilaq imaluunniit allanut akornutaassanani.

Arnartarfinnut anartarfiit spandii/puusiat, imaanut kuineqartussat, assaanneqartussat, asiutinneqartussat allatulluunniit allanut akornutaanngitsumik avatangiisinullu ajoqutaanngitsumik iginneqarsinnaasut atorneqassapput.

Illut pioreersut kuiasakkanik anartarfillit eqqarsaatigalugit piginnittup imeq atornikoq allanut avatangiisinullu ajoqutaanngitsumik igittassavaa.

Innaallagissiutunik atuineq sapinngisamik allanut ajoqutaannginnerpaamik pisassaaq. Asimi illuni atugassanik nukissiorneq seqinermit nukiusutit pinngortitamiillu nukissiutit allat atorlugit pisassasoq kaammattuutigineqarpoq.


12. Containerit

Containerit ineqarfiusuni (A) aammalu qitiusoqarfinni (C) ataavartumik inissisimatinneqarnissaat akuerineqanngilaq. Containerit qalliutaannut, qalipaataannut atorneqartarnerannut kiisalu inissinneqarfigisaminni tulluarsarneqarnissaannut piumasaqaateqarsimatillugu immikkut ittunik akuersissuteqartoqarsinnaavoq.

13. Angallatinik inissiineq

Ukiunerani angallatinik inissiinermut akuersissuteqartoqarsinnaavoq angallammik piginnittup illutaata eqqaanut (piginneqatigiiffiuppat attartortittagaappalliuunniit piginneqatigiit / piginnittut akuersineratigut), suliffeqarfiup angallataatillup attuumassuteqarfigisaata eqqaanut imaluunniit kommunip angallatinik inissiivissatut immikkoortitaanut.

202-A1



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Eqalugaarsuit

Siunertaq

Ineqarnermut tunngasut

Atorneqarnissaa

Angerlarsimaffiit suullu ataatsimut atugassiat

Pissutsit atuuttut

Angerlarsimaffiit immikkoortukkuutaartut kiisalu uigulukuttut kiisalu ataatsimoorussat soorlu pilersuinermit atortorissaarutit, atuarfik, nakorsiartarfik, arsaattarfik, illu sullivik allallu.

Inissaq sinneruttoq

Angerlarsimaffiit 120 missaanniipput.

Sanaartorfik

Der må opføres fritliggende- og dobbelthuse i op til 2 etager. Nybyggeri skal tilpasses den eksisterende bebyggelse ved materialevalg, taghældning, orientering og farvevalg.

Tamaani angerlarsimaffiit ataasiakkaat affarleriikkuutaalluunniit marluk tikillugit quleriillit sananeqarsinnaapput. Illut nutaat sananeqaatimikkut, qaliamikkut uinganerisigut, sammivimmikkut qalipaasersugaanermikkullu illunut pioreersunut tulluarsarneqassapput.

Nunaminertat sanaartorfiunngitsut

Nunaminertat atorneqanngitsut ilioqqaavittut atorneqassanngillat pissusitoqqamissullu itsiinnarneqassallutik.


Attavilikkat

Illut nutaat ajornanngippat innaallagissamut imermullu atassuserneqassapput.

Sanaartukkanik pioreersunik avatangiisiannillu allanngutsaaliuineq

Oqaluffik B-110 napasuliartalik eriagisassaavoq

202-B1



Killiffik

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Eqalugaarsuit

Siunertaq

Inuutissarsiuteqarfiit umiarsualiveqarfillu

Atorneqarnissaa

Inuussutissarsiorfik - umiarsualivik, inuussutissarsiorfik qulimiluulinnullu mittarfeeraq

Pissutsit atuuttut

Aalisakkerivik (2011-imi matusoq), niuertarfik, qulimiguullit mittarfiat, sannavik aammalu qulimiguullit mittarfeeraat tamaaniipput.

Inissaq sinneruttoq

Nuna tamanna 1,5 ha missaannik annertussuseqarpoq.

Sanaartorfik

Sanaartukkat nutaat sananeqaatimikkut, qalipaatiimikkut qaliamillu uinganerisigut tamaani sanaartukkanut pioreersunut tulluarsarneqassapput.

Nunaminertat sanaartorfiunngitsut

Nunaminertat atorneqanngitsut pissusitoqqamissut itsiinnerneqassapput.

Attavilikkat

Illuliat nutaat ajornartinnagu innaallagissamut imermullu atassuserneqartassapput.

Immikkut aalajangersaaffigisat

Qulimiguulimmut mikkiartortarfik tingisarfillu

202-E1

**Killiffik**

Akuerisaq

Immikkoortortaq

Nunaannaq

Sumiiffik - illoqarfik / nunaqarfik

Eqalugaarsuit

Siunertaq

Teknikkikkut atortorissaaruteqarfik

Atorneqarnissaa

Eqqaaveqarfik. Illoqarfiup ilaa tamanna eqqaavissuaqarfittut, ikuallaaveqarfittut aammalu allatigut eqqagassalerivittut atorneqarsinnaavoq.

Pissutsit atuuttut

Eqqaavik ikuallaavillu tamaaniipput.

Inissaq sinneruttoq

Tamanna 0,5 ha missaannik annertussuseqarpoq.

Sanaartorfik

Illuliat 10 meterit sinnerlugit portussuseqassanngillat.